

Kerja lebih kuat beri pencerahan

Kuala Lumpur: Gerakan Islam perlu bekerja lebih kuat, tersusun dan bersungguh-sungguh dalam memberi pencerahan kepada umat.

Perdana Menteri, Datuk Seri Anwar Ibrahim, menerusi catatan di Facebooknya, semalam berkata, tatkala ilmu yang terbatas dan asakan pemikiran Barat yang kuat, gerakan ini perlu menumpukan pengisian dari sudut peningkatan kefahaman mendalam.

Perkara itu disampaikan Anwar pada Majlis Makan Malam dan Pidato Melakar Nahdah Ummah bersempena Ijtimak Harakiy Wadah Pencerdasan Umat Malaysia (Wadah), Angkatan Belia Islam Malaysia (ABIM) dan Persatuan Kebangsaan Pelajar Islam Malaysia (PKPIM) di Putrajaya, kelmarin.

“Susulan cabaran semasa, nahdah atau kebangkitan dengan kesedaran dan pencerdasan, menjadikan ia tanggungjawab lebih berat.

“Kita harus bekerja lebih



Anwar pada Majlis Makan Malam dan Pidato Melakar Nahdah Ummah bersempena Ijtimak Harakiy Wadah, ABIM dan PKPIM di Putrajaya, kelmarin.
(Foto Facebook Anwar)

kuat, tersusun dan bersungguh-sungguh memberi pencerahan kepada umat,” katanya.

Perdana Menteri turut merakamkan penghargaan di atas kehadiran aktivis sezaman dengannya yang setia dengan per-

juangan gerakan dakwah, pelajar dan belia pada majlis itu, yang turut dihadiri isteri beliau, Datuk Seri Dr Wan Azizah Wan Ismail. Anwar adalah bekas Presiden ABIM.

BERNAMA